

CYNGOR SIR YNYS MÔN <u>Templed Adroddiad Sgrwtini</u>	
Pwyllgor:	Pwyllgor Sgrwtini Corfforaethol
Dyddiad:	3 Mehefin 2019
Pwnc:	Panel Gwella Gwasanaethau Plant
Pwrpas yr Adroddiad:	Adroddiad cynnydd ar waith y Panel Gwella Gwasanaethau Plant
Cadeirydd Sgrwtini:	Cyng. Aled Morris Jones
Aelod(au) Portffolio:	Cyng. Llinos Medi Huws
Pennaeth Gwasanaeth:	Alwyn Jones, Cyfarwyddwr Dros Dro y Gwasanaethau Cymdeithasol Fôn Roberts, Pennaeth Gwasanaethau Plant
Awdur yr Adroddiad: Rhif Ffôn: E-bost:	Anwen Davies, Rheolwr Sgrwtini 01248 752578 AnwenDavies@ynysmon.gov.uk
Aelodau lleol:	Amherthnasol

1 – Argymhelliad/ion

A1 Gofynnir i'r Pwyllgor Sgrwtini Corfforaethol nodi:

- Y cynnydd hyd yma gyda gwaith y Panel Gwella Gwasanaethau Plant o safbwynt cyflawni ei raglen waith
- Bod y Cynllun Datblygu Gwasanaeth newydd wedi cael ei fabwysiadu erbyn hyn, a'r Cynllun Gwella Gwasanaeth blaenorol wedi cael ei gau
- Y meysydd gwaith y rhoddwyd sylw iddynt yn ystod yr Ymweliadau Laming, fel modd o gryfhau ymhellach ar atebolrwydd a gwybodaeth a dealltwriaeth aelodau'r Panel
- Y rhaglen hyfforddiant barhaus ar gyfer aelodau'r Panel, gyda llawer ohoni'n cael ei darparu'n fewnol

2 – Cyswllt efo Cynllun y Cyngor / Blaenoriaethau Corfforaethol Arall

Cyswllt uniongyrchol â Chynllun y Cyngor / blaenoriaethau trawsnewid. Bydd ystyriaeth y Panel o gynllun datblygu gwasanaeth y gwasanaethau plant yn rhoi sicrwydd i'r Pwyllgor Gwaith fod y Cyngor yn ymateb yn gadarn i argymhellion dau adroddiad AGC ar y gwasanaethau plant¹ a bod camau mewn lle i liniaru unrhyw risgiau.

3 – Egwyddorion Fel Canllaw ar gyfer Sgrwtini

Er mwyn cynorthwyo Aelodau wrth graffu'r pwnc:-

- 3.1** Effaith mae'r eitem yn ei chael ar unigolion a chymunedau [ffocws ar y cwsmer/dinesydd]
- 3.2** Edrych ar effeithlonrwydd ac effeithiolrwydd unrhyw newid arfaethedig – yn ariannol ac o ran ansawdd [ffocws ar werth]
- 3.3** Edrych ar unrhyw risgiau [ffocws ar risg]

¹ Dyddiedig Mawrth, 2018 a Rhagfyr, 2018

3.4 Craffu'n cymryd rôl rheoli perfformiad neu warantu ansawdd [**ffocws ar berfformiad ac ansawdd**]

3.5 Edrych ar gynlluniau a chynigion o safbwynt:

- hirdymor
- atal
- integreiddio
- cydweithio
- cynnwys

[**ffocws ar lesiant**]

4 - Cwestiynau Sgriwtini Allweddol

Ar gais y Panel:

1. A oes gan y Pwyllgor unrhyw farn ar flaenoriaethau'r ffrydiau gwaith a gynhwysir ym mlaen raglen waith y Panel?
2. A yw'r camau a gymerwyd gan y Panel hyd yma yn ddigon cadarn ac a yw cyflymder y gwaith yn briodol?

5 – Cefndir / Cyd-destun

1. CYD-DESTUN

Fel yr adroddwyd yn flaenorol, bydd Aelodau'n ymwybodol bod sgriwtini wedi datblygu yn ystod y 18 mis diwethaf drwy waith y 3 phanel sgriwtini. Mae'r adroddiad hwn yn crynhoi'r cynnydd hyd yma mewn perthynas â'r **Panel Gwella Gwasanaethau Plant**.

Trefniadau Llywodraethiant y Panel

Bydd yr Aelodau'n ymwybodol o'r trefniadau llywodraethu cadarn sydd mewn lle fel sylfaen i waith y Panel a bwriedir cynnal cyfarfodydd misol o'r Panel² o leiaf tan ddiwedd y flwyddyn ariannol bresennol (Mawrth, 2020). Sefydlwyd proses ar gyfer derbyn adroddiadau cynnydd chwarterol gan y Cyng. Richard Griffiths, fel cynrychiolydd y Pwyllgor Sgriwtini Corfforaethol ar y Panel.

2. FFOCWS GWAITH Y PANEL GWELLA GWASANAETHAU PLANT

2.1 Mae'r Panel Gwella Gwasanaethau Plant wedi bod yn cyfarfod yn fisol ers mis Gorffennaf, 2017 (ac wedi cyfarfod 21 o weithiau erbyn hyn). Mae'r adroddiad hwn yn canolbwyntio ar waith y Panel yn ystod y cyfnod **Mawrth, 2019 – Ebrill, 2019:**

- **Cynllun Datblygu Gwasanaeth (CDG)** – rhoddodd Pennaeth y Gwasanaethau Plant a Theuluoedd gyflwyniad manwl yng nghyfarfod Ebrill³ y Panel ar gynnwys y Cynllun Datblygu Gwasanaeth 3 blynedd newydd. Erbyn hyn, mae'r CDG wedi cymryd lle'r Cynllun Gwella Gwasanaeth blaenorol ac mae'r ddau faes blaenoriaeth na chafodd eu gweithredu'n llawn wedi cael eu trosglwyddo i'r Cynllun Datblygu newydd.

² Pwyllgor Sgriwtini Corfforaethol a gynhaliwyd ar 4 Medi a 13 Medi, 2017

³ Cyfarfod y Panel Gwella Gwasanaethau Plant a gynhaliwyd ar 25 Ebrill, 2019

Mae'r Cynllun Datblygu Gwasanaeth yn cynnwys 5 o themâu ac mae'r 5ed thema yn darparu fframwaith ar gyfer rhoi mwy o sylw i ganlyniadau plant / pobl ifanc:

Themâu'r Cynllun Datblygu

- ✚ Gweithlu hyderus a medrus i ddarparu gwasanaeth cyson ac effeithiol
- ✚ Aseidiadau, cynllunio gofal, ymyraethau a phenderfyniadau amserol o ansawdd uchel i amddiffyn, cefnogi a rheoli'r risgiau i blant: cronolegau, cofnodion a thystiolaeth a theclynnau ymchwil o ansawdd
- ✚ Fframwaith perfformiad a sicrwydd ansawdd sy'n cefnogi'r awdurdod lleol i reoli ei gyfrifoldebau tuag at blant yn effeithiol
- ✚ Ymyrraeth gwaith cymdeithasol priodol "ar yr adeg iawn" er mwyn gwella bywyd teuluoedd ar adegau o drawma
- ✚ Gwella deilliannau i blant mewn gofal

Mae'r Cynllun Datblygu newydd yn cynnwys 14 o feysydd datblygu → 12 maes newydd a 2 a drosglwyddwyd o'r Cynllun Gwella Gwasanaeth blaenorol. Bydd y CDG mewn lle am gyfnod o 3 blynedd o Ebrill 2019 i Fawrth 2022, ac yn ymgorffori'r meysydd blaenoriaeth canlynol:

- i. 2 gam gweithredu â statws Ambr o'r Cynllun Gwella Gwasanaeth (Gwella ansawdd ymarfer a fframwaith perfformiad a sicrhau ansawdd)
- ii. Meysydd datblygu yn dilyn ail-arolygiad y Gwasanaethau Plant gan Arolygiaeth Gofal Cymru ddiwedd 2018
- iii. Blaenoriaethau lleol – sut mae lleisiau plant a phobl ifanc yn cael eu clywed gan y Gwasanaethau Plant.

Caniataodd trafodaethau'r Panel i Aelodau ddod i farn am i ba raddau y mae'r Cynllun Datblygu arfaethedig yn ddigon cadarn i gymryd lle'r Cynllun Gwella Gwasanaeth. Hefyd, a yw 5 thema'r Cynllun yn ddigon cadarn fel fframwaith a man cychwyn.

- **Ymweliadau Laming** – Bydd Aelodau'n ymwybodol bod proses adrodd gadarn wedi'i sefydlu ar gyfer adrodd ar Ymweliadau Laming, gyda'r nod o ddod â'r Panel yn agosach at achosion, creu'r amodau cywir i Aelodau werthfawrogi cymhlethdodau a heriau cyfrifoldebau'r Gwasanaeth e.e. drwy gyfarfod â staff rheng flaen i drafod gwaith achos yn gyffredinol. Cyflwynodd yr Aelodau adroddiadau ar yr Ymweliadau Laming a gynhaliwyd ym mis Chwefror, Mawrth ac Ebrill o dan y fframwaith llywodraethiant cryfach. Roedd yr ymweliadau hyn yn canolbwyntio ar:
 - ❖ **Cynhadledd Grŵp Teulu (14/02/19)** – amlygodd yr Ymweliad agweddau o waith y Tîm Teuluoedd Gwydn, gan ganolbwyntio ar wasanaethau rhiantu a chynadleddau grŵp teulu. Seilir y cyrsiau rhiantu ar y rhaglen Blynnyddoedd Rhyfeddol (Prifysgol Bangor)
 - ❖ **Clywed llais plant a phobl ifanc (22/03/19)** – yn ystod Ymweliad mis Mawrth trafodwyd y prosiect Lleisiau o Ofal fydd yn cael ei redeg yn lleol yn ystod y 12 mis nesaf. Amcan → cynorthwyo'r gwasanaeth i glywed llais plant a phobl ifanc, yn arbennig y rhai sy'n anodd eu cyrraedd.

❖ **Cyfarfod Gofalwyr Maeth (12/04/19)** – arwyddion cynnar bod Strategaeth Maethu'r Gwasanaeth yn cael effaith gadarnhaol wrth gefnogi gofalwyr maeth.

- **Plant sy'n gadael gofal yr Awdurdod** – ym mis Mawrth⁴ ystyriodd y Panel gyfrifoldebau statudol y Cyngor mewn perthynas â phlant/pobl ifanc sy'n gadael gofal yr Awdurdod, gan ganolbwyntio'n benodol ar broses, niferoedd ac adnoddau. Mae nifer y plant mewn gofal wedi gostwng o 158 → 146 yn ystod ail hanner 2018; mae 12 o blant wedi gadael gofal yr Awdurdod. Nododd y Panel hefyd y bydd nifer y bobl ifanc sy'n gadael gofal yn cynyddu'n sylweddol yn ystod y flwyddyn nesaf (cyfanswm o 34). Bydd y bobl ifanc hyn yn cwrdd â meini prawf cymhwysedd y gwasanaeth ôl ofal.
- **Sesiynau hyfforddiant / codi ymwybyddiaeth** – wedi eu hymgorffori yn y rhaglen waith, cynhelir y sesiynau hyn ar gychwyn pob cyfarfod Panel. Mae pynciau a gafodd sylw yn ystod y misoedd diwethaf yn cynnwys – cynllun datblygu 3 blynedd y Gwasanaethau Plant a Theuluoedd a phlant ag anableddau (yn cynnwys rôl y Tim Gwasanaethau Arbenigol Plant).

3. MESUR CANLYNIADAU AC EFFAITH Y PANEL

3.1 Cyd-destun

Fel yr adroddwyd yn flaenorol, mae cofnodi ac asesu effaith Sgriwtini yn her gan nad yw canlyniadau gweithgareddau sgrwtini bob tro yn rhai o sylwedd ac yn aml iawn nid oes modd eu mesur mewn ffordd systematig. Yn ogystal â hyn, nid yw'n hawdd mesur effeithiolrwydd gallu Sgriwtini i ddylanwadu ar y sawl sy'n gwneud penderfyniadau drwy drafodaeth a dadl. Fodd bynnag, mae taith y Panel Gwella Gwasanaethau Plant yn enghraifft o sgrwtini yn ychwanegu gwerth ac yn dylanwadu ar y ffordd y mae'r Cyngor wedi gweithredu cynigion.

3.2 Panel Gwella Gwasanaethau Plant

Mae craffu ar daith wella'r gwasanaethau plant wedi aeddfedu'n sylweddol yn ystod y flwyddyn ddiwethaf o ganlyniad i gyfraniad y Panel Gwella Gwasanaethau Plant. Ym mis Ebrill⁵, cynhaliodd aelodau hunan-arfarniad o'i effaith gan adolygu 4 agwedd o'i waith:

- ✚ Beth weithiodd yn dda
- ✚ Nodi'r effaith y mae'r Panel wedi'i gael
- ✚ Meysydd i'w gwella
- ✚ Anghenion datblygu Aelodau

3.3 Adroddir yn llawn ar ganlyniadau'r hunan asesiad yn adroddiad cynnydd nesaf y Panel ym mis Medi 2019.

4. MATERION I'W HUWCHGYFEIRIO I'R RHIANT BWYLLGOR EU HYSTYRIED

Gofynnir i'r Pwyllgor Sgriwtini Corfforaethol ddod i gasgliad ynglŷn â chadernid gwaith monitro'r Panel hyd yma.

⁴ Cyfarfod y Panel Gwella Gwasanaethau Plant a gynhaliwyd ar 27 Mawrth, 2019

⁵ Cyfarfod y Panel Gwella Gwasanaethau Plant a gynhaliwyd ar 25 Ebrill, 2019

6 – Aseiad Effaith ar Gydraddoldeb [cynnwys effeithiau ar yr Iaith Gymraeg]

Amherthnasol

7 – Oblygiadau Ariannol

Amherthnasol

8 – Atodiadau

9 - Papurau Cefndir (cysylltwch ag awdur yr Adroddiad am unrhyw wybodaeth bellach os gwelwch yn dda):

Anwen Davies, Rheolwr Sgriwtini, Cyngor Sir Ynys Môn, Swyddfeydd y Cyngor, Llangefni.
LL77 7TW

Cyng. Richard Griffiths
Cynrychiolydd y Pwyllgor Sgriwtini Corfforaethol ar y Panel Gwella Gwasanaethau
Plant / Pencampwr Plant Mewn Gofal
Dyddiad: 07/05/2019